



PREZIDÉNSIA KONSELLU MINISTRUS

VI GOVERNUN KONSTITUSIONÁL

DILI, LORON 24 FULAN-MAIU TINAN 2016

KOMUNIKADU IMPRENSA

Sorumutuk Konsellu Ministrus loron 24 fulan-maiu tinan 2016

Konsellu Ministrus hala'o sorumutuk iha tersa-feira ne'e, iha Palásiu Governu, iha Dili, no aprova ona:

1. Dekretu-Lei kona-ba Rejime Gabinete Ministerial nian sira

Diploma ne'e atualiza kompozisaun, orgánika no rejime gabinete sira membru Governu nian, oinsá atu bele implementa di'ak liu ninia estrutura apoiu nian ida, inklui mós estrutura sira Gabinete Primeiru-Ministru nian ne'ebé maka seidak regulamenta.

Regra sira rekrutamentu maundobra nian ne'ebé hetan kualifikasaun ba gabinete sira membru Governu nian mós kontempla ona, liuhusi rekursu ba kadru sira funsaun públika nian ka ba kontratu sira ne'ebé ho termu sertu, hodi mantein elementu konfiansa pesoál ne'ebé tenke orienta nomeasaun membru gabinete nian sira.

2. Dekretu-Lei ne'ebé kria Autoridade Inspesaun no Fiskalizaun Atividade Ekonómika, Sanitária no Alimentár, IP

Diploma ne'e kria Autoridade Inspesaun no Fiskalizaun Atividade Ekonómika, Sanitária, Alimentár, ho kompeténsia atu halo Inspesaun no Fiskalizaun Atividade Ekonómika sira, kondisaun sanitária sira no kontrolu qualidade ai-han nian sira.

Fó autoridade no kompeténsia ba institutu públiku ne'e atu organiza prosesu kontraordensaun no aplika multa no sansaun sira, karik halo violasaun ba lei, no mós atu promove asaun sira ba divulgasun informasaun relevante nian sira, ho objetivu atu hamenus, halakon ka previne risku hirak ne'ebé hetan iha kadeia alimentár no risku sanitáriu ba saúde públika. Ho atividade ida ne'e, hakarak mós atu asegura ezersísiu regular atividade ekonómika sira iha setór alimentár no la'ós alimentár, hodi taumatan ba konsumidór sira no ba ekonomia nasionál.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Medida ne'e kumpre prioridade ida husi prioridade sira seluk Programa Governu nian, ne'ebé prevee relansamentu política defeza konsumidór nian no hadi'a kondisaun moris populasaun nian, aleinde regula atividade ekonómika sira.

3. Dekretu-Lei kona-ba regra relativa sira ba asesu no klasifikasaun dokumentu ofisiál sira

Diploma ne'e estabelese regra relativa sira ba asesu públiku ba dokumentu ofisiál sira no ninia klasifikasaun, kona-ba konfidensialidade. Estabelese ona kritería sira ne'ebé hanesan kona-ba relasionamentu entre entidade pública nian sira no poténsia interesadu sira hodi simu informasaun ofisiál nian sira, ho objetivu hodi taumatan ba asuntu sira ne'ebé mak iha koñesimentu indiskriminadu bele afeta interese Estadu nian.

Konsellu Ministrus mós analiza ona:

1. Apresentasaun tetu fiskál ba tinan 2017

Ministériu Finansas apresenta ona ba Konsellu Ministrus senáriu oioin kona-ba ezekeusaun orsamentál ba tinan 2017, haree ba-iha projetu sira iha ezekeusaun, projetu foun no kontinjénsia sira ne'ebé posivel. Senáriu hirak ne'ebé apresenta ona ho objetivu atu orienta ministériu sira kona-ba elaborasaun ba sira nia planu anuál no ninia orsamentu, nune'e hodi define valór ba atribuisaun ba proposta Orsamentu Jerál Estadu nian ba tinan finanseiru oin mai.

Apresentasaun ne'e mosu tuir Jornada Orsamentál sira nian, ne'ebé hala'o iha lora 16 fulan-maiu, iha Ministériu Negósius Estranjeirus no Kooperasaun. Iha ne'ebá sira halibur membru sira husi Parlamentu Nasionál no Governu, direktór-gerál sira, direktór nasional sira, kadru superiór sira seluk Estadu nian no funsionáriu sira empreza pública nian no organizmu autónomo sira, hodi prepara Orsamentu Estadu nian ba tinan 2017.

Iha elaborasaun orsamentu ba tinan oin-mai, ne'ebé sei haree ba fatór oioin, liuliu ba Planu Estratéjiku Dezenvolvimentu (PED), Programa Governu, ezekeusaun orsamentál, inflasaun, sustentabilidade fiskál no objetivu sira Dezenvolvimentu Sustentavel husi Ajenda Nasoins Unidas nian ba Dezenvolvimentu Sustentavel to'o tinan 2030, ne'ebé adota husi Parlamentu Nasionál iha fulan-setembru tinan kotuk liubá.

2. Relatóriu kona-ba progresu no verifikasaun despeza komunikasaun sira Governu nian

Relatóriu ne'e, apresenta husi Ministériu Finansas, ne'ebé koa'lia kestaun sira kona-ba tusan ne'ebé aumenta husi servisu ministeriál oioin ba Timor Telecom, haree ba orientasaun no rekomendasaun nian sira husi Konsellu Ministrus nian atu haree didi'ak fali tusan sira ne'e.

3. Apresentasaun relatóriu anuál husi Timor Gap,EP



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Timor Gap,EP, entrega formalmente ona ba Governu, Relatóriu no Konta sira tinan 2015 nian, tuir lei no ho norma internasionál sira kona-ba elaborasaun relatóriu finanseiru nian sira.

Prezidente empreza públika ne'ebá nian, Francisco Monteiro, apresenta ona ba Konsellu Ministrus dados detalladu kona-ba atividade prinsipál sira ne'ebé dezenevolve ona iha tinan 2015, hanesan atividade petrolífera sira iha Tasi Timor nian. Montante (“upstream”-esplorasau no produsaun), kontinua dezenevolve peskiza sira iha Área Dezenvolvimentu Petrolíferu Konjuntu, hahú ona estudu sira iha Área Eskluziva Timor-Leste nian, inklui levantamentu 3D dados sísmiku sira, no ezekuta ona revizaun husi rezerva Greater Sunrise no Bayu-Udan nian. Jusante (“downstream”-[Iha parte okos] - transporte, refinasaun no distribuisaun), kontinua dezenvolvimentu emperezariál no jestaun projetu, liuliu ba postu abastesimentu kombustivel sira iha Suai.

Atividade sira seluk inklui kontinuasaun jestaun no administrasaun projetu Tasi Mane; dezenvolvimentu korporativu no profisionál, liuliu ba formasaun rekursu umanu sira; no projetu esplorasau Greater Sunrise.

Iha fulan ida ne'e, dokumentu sei entrega ba Tribunál Kontas, hamutuk ho auditoria ne'ebé maka halo husi empreza independente, hodi nune'e iha fulan-juñu, Relatóriu bele fó sai ba públiku sira.

4. Rekerimentu ba Kámara Kontas iha ámbitu rekursu nian sira kona-ba desizaun ikus vistu nian ba kontratu empréstimu no ba kontratu ezekusaun ba obra bee dalan iha sidade Dili

Governu analiza tiha ona prosesu rua ne'e, iha trázitu iha Tribunál Rekursu nian, ne'ebé sira entrega ona ba rekursu sira kona-ba desizaun ikus hodi rekuza vistu préviu Kámara Kontas nian ba kontratu empréstimu no kontratu ezekusaun obra sira kona-ba bee dalan Dili nian, liu ona loron 50, maibé seidak hetan kualkér resposta husi parte Tribunál nian.

La hatan ho vistu ba empréstimu ne'e, Governu labele ezekuta kontratu empréstimu ho juru preferensial nian sira atu finansia obra infraestrutur sira ba bee dalan husi bee mota nian sira iha kapital país nian. La hatan ba vistu kontratu ezekusaun obra sira nian impede Governu atu hala'o obra sira bee dala nian, ne'ebé importante tebes hodi kontrola bee nalihun ne'ebé bele haree tuir ninia siklu iha sidade laran.

Bainhira Governu seidak hetan nofikasaun kona-ba distribuisaun prosesu sira ne'e ba juiz responsável sira, Konsellu Ministru konsidera apresenta reklamasau ba Prezidente Tribunál Rekursu nian ba falta ka irregularidade kona-ba distribuisaun sira ne'e.

5. Prezidénsia rotativa CPLP [Komunidade País sira Lia-Portugés] nian

Konsellu Ministru analiza ona dezenvolvimentu husi atividade sira ne'ebé mak hala'o hela, iha ámbitu prezidénsia rotativa Komunidade País sira Lia-Portugés nian.

